

Aldiënza dla defensuria zivica l'ater vëndres, ai 8 de setëmbër, dales 14.00 ales 17.00 tl salf di stödafüch a San Martin sön prenotaziun 0471 946 020.

### PLOANIES SAN MARTIN Y LUNGIARÜ

Düc i geniturs che á na picia möta o n pice möt da batié, pers che aspeta, toc y totes de nosc decanat é bel inviá ala preparaziun dl Bato en sabeda, ai 9 de setëmbër, dales 15.00 ales 17.00, tl salf dles manifestaziuns a La Val, cun dedô n pice renfrësch, arjigné ca dala Uniun dles Ères; a d'ères n gran dilan! Prenotaziuns al numer 328 07 17 796.

An pó ciamó n iade odèi le teater musical "Ojöp da Oies" la sabeda ai 23 de setëmbër, dales 20.00, a Balsan tl Waltherhaus. Les chertes pó gní rerservades online sot a <https://www.musicaloies.it/de/ticket>. Le prisc é de 20 euro por gragn y 10 euro por mituns sot a 14 agn. Informaziuns ciafëise por telefon 0471 997 097 o por e-mail [info@musicaloies.it](mailto:info@musicaloies.it)

#### SAN MARTIN

En dedemesaledema, ai 30 d'agost, vëgnel indô sié la cortina. Chi che á dlaurela da gní a daidé é bel peria da cherdé sö Leo 348 40 96 351.

#### LUNGIARÜ

En domënia, ai 03.09 festejèia la Dlijia la festa di Agnui Custodi y insciö inviunse düc i mituns da gní a tó pert ala gran mëssa cun èi y por èi.

Invit ala presentaziun dl liber "Poesies y rimes" de maester Pio Baldissera, incö domënia, ai 27 d'agost, dales 16.00 tl bar dla Ciasa de Palsa Ojöp Frëinadamez. Düc é bel inviá.

En jöbia, ai 31 d'agost, dales 21.00 él concert dla Musiga sön paiun a San Martin. I sëis düc dër bel inviá da gní a ascuté pro!

#### *Döt le bun a chi che complësc i agn de setëmbër*

*a San Martin* Paul Planatscher che nen complësc 86 ai 3  
Fr. Felix Ploner che nen complësc 93 ai 5  
Giovanni Rubatscher che nen complësc 82 ai 7  
Rita Zingerle Tavella che nen complësc 84 ai 14  
Stina Bioc Clara che nen complësc 86 ai 23

*a Lungiarü* Paul Clara che nen complësc 91 ai 6  
Regina Daporta Mischi che nen complësc 98 ai 12  
Albina Pezzei Mischi che nen complësc 88 ai 20



## Plata dles Ploanies San Martin y Lungiarü



ploan siur Klaus Sottsas 344 15 54 055 - [klsottsas@rolmail.net](mailto:klsottsas@rolmail.net)  
curat siur Heinrich Perathoner 339 65 74 213  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**27.08. - 03.09.23 n. 40**

[unitepastorala.org](http://unitepastorala.org)

ultimo termo por comunicaziuns: jöbia, dales 20.00

### 21<sup>a</sup> Domënia ia por l'ann A

#### Vangele do san Matí 16, 13-20



Canche Gejù ê rové tl raiun de Zesarea de Filipus, àl damanè sü discepui: Por chë arata pa la jënt le Fi dl Om? Ai à dit: Valgügn por Jan Batista, d'atri por Elia, ciamò d'atri por Ieremìa o por n'ater di profec. Al i à damanè: Os indere, por chë m'aratëise pa os? Scimun Pire à respognù: Tö es le Messia, le Fi dl Dî vi! Gejù ti à dit: Beât este tö, Scimun Bariöna; deache nia cern y sanch ne t'à revelè chësc, mo mi Pere tl cil. Iö indere te diji: Tö es Pire - la pera -, sön chësta pera fajarai sö mia dljia, y les potënzes dl somonn ne ti sarà nia suracé. I te darà les tlës dl règn dl cil; ci che te liaras söla tera, chël sarà incé lié tl cil, y ci che te desliaras söla tera, sarà incé deslié tl cil. Spo àl comanè i discepui, de ne ti al dì a degügn che ël ê le Messia.



La domanda "Os indere, por chë m'aratëise pa os?" é na domanda che Gejù nes fej a vignun de nos, anfat sc'an á studié teologia o no. Gejù damana vignun personalmënter "Por chë m'arateste pa tö?" "Chë sunsi pa iö por te?"

Y Gejù ó ch'i ti respognunse personalmënter. Al ó savèi ci ch'i ponsun instësc, y n'aldí nia na formula imparada adamënz, mo ci che vëgn da nosc cör: "Che sunsi pa iö por te?"

A chësc sunse cherdá incö: da ponsé sura, chë che Gejù é pordërt por mé. I orun se lascé baié ados da Gejù: "Y tö, che sunsi pa iö por te?"

EDEMA - ANN "A"	SAN MARTIN	LUNGIARÜ	
<b>03.09.23</b> <b>21<sup>a</sup> Domènia dl ann A</b>  <i>Santa Monica</i>	<b>9.00 Corona</b> <b>9.30 Liturgia dla Parora</b>	<b>7.50 Corona</b> <b>8.15 Gran Mëssa por la Comunité</b> dl ann + Scebio Nagler + Daniele Pezzei, Ghestan <b>Benedisciu dl tëmp</b> <b>15.00 Corona tla capela de S. Ojöp Fr.</b>	 <p>I periun, do l'intenziun dl Papa por le mëis de setëmber:</p> <p>Por la jënt che vir sön l'ur dla sozieté. I periun por chës porsones che vir gonot te condiziuns dejumanes stlütës fora dala sozieté, ch'ares ne vëgnes nia suraadüdes y ignorades dales istituziuns mo vëgnes tutes en conscideraziun.</p>
28.08.23 <b>Lönesc</b> <i>Agostin, Elmar, Linda</i>			
29.08.23 <b>Dedolönesc</b> <i>Decapitaziun de San Jan,</i>	<b>8.00 Mëssa</b> por families Flöss de Poldele + Monica Vittur Tolpeit (dl ann) + Ida Dariz		 <p><b>SANTA MONICA</b>  <i>(ai 27 d'agost)</i></p> <p>Bel Dî, Pere sant,            che t'es misericordius            cun düc chi che spera en te.</p>
30.08.23 <b>Dedemesaledema</b> <i>Gaudenzia, Rebeca</i>		<b>7.30 Mëssa</b> + dl ann + Emilia Mischi + + Guido y Renate Ploner	<p>Te i as conzedü a tüa sorvidëssa Monica la grazia da condüje da te chës porsones che ti stô a cör.</p>
31.08.23 <b>Jöbia</b> <i>Ojöp d'Arimatea y Nicodem</i>			<p>Cun süa vita, sües legremes y so perié zënza lascé do ára convertí a te so om Patrizius y so fi Agostin.</p>
01.09.23 <b>Pröm vëndres</b> <i>De dla Creaziun   Verena, Rut</i>	<b>18.30 Adoraziun chîta</b> <b>19.00 Mëssa</b> en onur de sant Ojöp da Nazaret + + dla fam. Hubert Prousch		<p>Te ëra glorificunse tües scincundes y por süa interzesciu conzedesse tües grazies.</p>
02.09.23 <b>Sabeda</b> <i>Ingrid, Zeno</i>	<i>degöna mëssa</i>		<p>Oh cera santa Monica, sciöche tö nudrësces le spirit de tü fis cun tüa oraziun vigni iade che te vëighes ch'ai se despartësc da Chël Bel Dî, te periunse por nostes families,</p>
<b>03.09.23</b> <b>22<sup>a</sup> Domènia dl ann A</b> <b>Domènia di</b> <b>Agnui Custodi</b>	<b>9.00 Corona do vocaziuns</b> <b>9.30 Mëssa</b> <i>(cun don Giuseppe)</i> <b>por i jogh en onur di Agnui Custodi</b> de reng. fam. Angel Moling + Giovanni Unterweger + Friedl Pedevilla (dl ann)	<b>7.50 Corona</b> <b>8.15 Gran Mëssa de festa di Agnui Custodi</b> <b>cun y por i mituns y les mitans</b> + Marino Clara, Ties + Isidoro Clara, Toch <b>Benedisciu dl tëmp</b> <b>15.00 Corona tla capela de S. Ojöp Fr.</b>	<p>che n'é nia bugn da ciarfé le tru dla fede. Prëiesse decá la orenté y la forza, da ti resté fedei a Chël Bel Dî, tl dejider da l'incunté adöm cun ch'i ch'al nes á surandé. Amen.</p>